



Broj/Број: 4/1-50-1-83-19/05
Sarajevo/Сарајево: 16.02.2005. godine

ZAPISNIK

Devetnaeste sjednice Zajedničke komisije Parlamentarne skupštine BiH za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH koja je održana 16.02. 2005. godine, u vremenu od 9,30 do 10,15 sati.

Sjednici su prisustvovali članovi Zajedničke komisije: Boško Šiljegović, Šefik Džaferović, Vinko Radovanović, Osman Brka, Adem Huskić, Halid Genjac, Seada Palavrić, Momčilo Novaković, Anto Spajić, te Vinko Zorić koji je pristupio sjednici prilikom razmatranja zadnje tačke dnevnog reda.

Iz opravdanog razloga sjednici nisu prisustvovali Branko Zrno i Mirko Blagojević.

Sjednici su prisustvovali i gosti: Marina Pendeš i Naida Đulić iz Ministarstva odbrane BiH, Christian Haupt, Rodolphe Oberle i Tanja Pašić iz OSCE-a.

Sjednici su prisustvovali i Dragica Hinić, privremeni sekretar Zajedničke komisije, te Željko Grubešić, ekspert za pomoć u radu Komisije.

Sjednicom je predsjedavao Boško Šiljegović.

Za raspravu na sjednici predložen je slijedeći

DNEVNI RED:

1. Verificiranje zapisnika nastavka 17. sjednice i zapisnika 18. sjednice Zajedničke komisije;
2. Razmatranje Prijedloga zakona o učestvovanju pripadnika Oružanih snaga Bosne i Hercegovine, policijskih službenika, državnih službenika i ostalih zaposlenika u operacijama podrške miru i drugim aktivnostima u inostranstvu (predlagač: Predstavnički dom PS BiH);
3. Razno.

Dnevni red članovi Zajedničke komisije jednoglasno su usvojili.

Ad.1. Verificiranje zapisnika nastavka 17. sjednice i zapisnika 18. sjednice Zajedničke komisije

Zapisnik nastavka 17. sjednice i zapisnik 18. sjednice članovi Zajedničke komisije verificirali su jednoglasno.

Ad.2. Razmatranje Prijedloga zakona o učestvovanju pripadnika Oružanih snaga Bosne i Hercegovine, policijskih službenika, državnih službenika i ostalih zaposlenika u operacijama podrške miru i drugim aktivnostima u inostranstvu (predlagač: Predstavnički dom PS BiH)

Boško Šiljegović dao je uvodne informacije o Prijedlogu zakona o učestvovanju pripadnika Oružanih snaga Bosne i Hercegovine, policijskih službenika, državnih službenika i ostalih

zaposlenika u operacijama podrške miru i drugim aktivnostima u inostranstvu. Istaknuo je da je Zajednička komisija ovaj zakon, čiji je predlagač bio poslanik Momčilo Novaković, već razmatrala, usvojila i prosljedila Predstavničkom domu, koji ga je također usvojio. Stoga se Predstavnički dom sada nalazi u ulozi formalnog predlagača Zakona. Istaknuo je da je u međuvremenu delegat Tomislav Limov uložio 17 amandmana na Prijedlog zakona.

Šefik Džaferović i Momčilo Novaković istaknuli su da su već sva sporna pitanja vezana za ovaj zakon ranije razmatrana i razriješena, te da se na ovoj sjednici zbog specifične poslovničke procedure Zajednička komisija mora ponovo izjasniti o Prijedlogu zakonu i prosljediti ga Domu naroda.

Po okončanoj raspravi članovi Zajedničke komisije jednoglasno su usvojili principe Zakona, jednoglasno odbili 17 amandmana Tomislava Limova i potom jednoglasno usvojili Zakon u cjelini, prosljedivši ga Domu naroda u dalju parlamentarnu proceduru.

Ad.3. Razno

- a) Izvještaj Osmana Brke koji je prisustvao seminaru na temu «Uloga parlamenta u reformi sigurnosnog sektora», u Zagrebu od 31.01. do 02.02.2005. godine, u organizaciji RACVIAC-a, članovi Zajedničke komisije jednoglasno su prihvatili.
- b) Boško Šiljegović informirao je članove Komisije o dopisu komandanta EUFOR-a, kojim je predloženo nekoliko termina za realiziranje prezentacije uloge EUFOR-a u 2005. godini ovoj Komisiji.

Nakon kraće rasprave jednoglasno je prihvaćen termin 10.03.2005. godine, od 13,00 do 15,00 sati.

Zapisnik sačinila:
Dragica Hinić

Privremeni predsjedavajući
Zajedničke komisije:
Boško Šiljegović